


410.73
42
21~20

義
縣
志

一	卷前	第
撮 影 附	目録	一 冊

王
大
五
贈



纂集縣志之篇次



志者識也識一邑之事歷代之興替盛衰係焉亦即後世之觀感鑑戒存焉吾邑自漢
武立縣迄今民國雖中間名稱數易在漢武時爲參縣無慮之邊地在民國爲義縣以
縣始者以縣終而論其事之大則莫先於土地故首冠以圖尾附以記而大綱則始以
地輿志有地輿然後有創設故次之以建置志有建置則必有官吏督率而整飭之故
次之以職官志官不必備惟其人或文教之旁敷或武事之張弛端賴人爲爲政在人
人存政舉國之幸民之福也凡有功德於民文經武緯有美必彰故職官後即次之以
官績志殖邊移民度土居民開墾招民保境安民皆官績上事也而戶口之關係胥賴
是焉故官績後即次之以戶口志戶口所以覘民數也租稅本人民所担負覘戶口即
知人民之担負亦即知人民之財產財產者爲財賦所出在國家在地方無非取之民
者還之民以驗登耗以稽盈縮而出納之或減或增行將得知其總額所謂有土此有
財有財此有用也故財賦志又次之富而後教古有明言施行教育重在學校但今之
學校與古之學校名同而實異教育普及不必專在學校古今異制未可以一律論也
故改名曰學制志學制所以造人材而民事正以觀風化無論或爲農商或爲林礦或
爲工藝事既屬民則勤惰優劣自有分焉而且民講以禮爲先民化則俗必美更可於

義縣志

前卷(一)目錄書纂集縣志之篇次

一

民事規民之良莠故民事志列學制之次民事與學制並列則前代之由學問而顯揚
而光裕今時之從學業而榮貴而參與國是者胥更重也分別記載不加品評故次以
選舉志選舉雖志而天地鍾毓類多特尤彪炳旗常胡可沒也其中衣冠之族巾幗之
良所以篤彝倫尙名節者亦昭昭在人耳目徵之正史採之鄉評不敢附會直道而行
之故人物志又次於選舉人物之表見不盡在文字而間有一二以文字傳者且有以
此之文字表彰彼之人物者也故史詳傳贊碑勒事實或吟咏以憑弔或誅輓以紀叙
人物之存在大都文藝爲之存在也故人物志下繫之以藝文志有文事必有武備所
謂投筆從戎文章可以華國武事正以定太平也故遼軍曰崇義上節度金軍曰崇義
下節度明置衛曰指揮曰備禦清則營曰捕盜曰捷勝更有巡警團練名稱民國改併
警甲組織民團類皆求治安資保衛之大致也故文藝後又終以武備志至於戎馬奔
馳帝王巡幸版圖省併設置變更科名革替割據紛紜自漢迄今史不絕書事猶在耳
或爲吾邑之福或爲吾邑之禍或爲吾邑之榮辱或爲吾邑之利害撫今追昔感慨係
之矣爰仿編年紀月例以記之俾知古今世變之大相懸殊也故以大事記尾焉

義縣志總目錄

前卷目次

序

義縣知事趙序

義縣知事濮序

義縣縣長孫序

義縣縣長宋序

志書館長薛序

志書館長王序

凡例

總例言

分例言

圖例 地輿志例 建置志例 職官志例 官績志例 戶口志例 財

賦志例 學制志例 民事志例 選舉志例 人物志例 藝文志例

武備志例 大事記例

義縣志

前卷(一)目錄書目次

結例言

創編縣志之原委

附攝影目次

閭山片十

大凌河

大凌河堤片四

漢寶林樓

寶林山石門

元魏萬佛堂片四

元魏萬佛堂山洞石佛片五

元魏太和碑

元魏景明碑

遼開泰年大佛寺

遼大佛寺殿

遼大佛寺古佛片七

遼開泰年磚塔

遼天慶年石幢片四

遼石屏片二

金明昌碑片二

元王珣墓誌

明嶺西小屯圈臺

明鐵炮

明熙春東門

明慶豐西門

明永清南門

明安泰北門

明鐘鼓樓

魁星樓

清鐵鼎

魚骨石

八塔山

義縣城內街市

大凌河橋

義縣車站

清李維屏誥命

清王乾吉誥命

義縣政府

上卷之一

圖譜目次

- 義縣全境圖
- 義縣全境山脈詳圖
- 義縣全境河流詳圖
- 義縣城關街市圖
- 義縣行政公署圖
- 義縣審判檢察分庭平面圖
- 義縣學宮平面圖
- 義縣教育公所及附設縣志編修館平面圖
- 義縣警甲及警察一區平面圖
- 義縣縣立師中學校平面圖
- 義縣縣立女子師範講習科及附屬第二小學校平面圖
- 義縣縣立第一小學校平面圖
- 義縣南關關帝廟平面圖
- 義縣區村制第一區圖
- 義縣區村制第二區圖
- 義縣區村制第三區圖
- 義縣區村制第四區圖
- 義縣區村制第五區圖
- 義縣區村制第六區圖
- 義縣區村制第七區圖
- 義縣區村制第八區圖
- 義縣清河門鎮圖
- 義縣稍戶營鎮圖
- 義縣石佛堡集圖
- 義縣劉龍溝集圖
- 義縣劉龍台集圖
- 義縣沈家台集圖
- 義縣班吉塔集圖
- 義縣劉温屯集圖

中卷之一

地輿志目次

義縣志

前卷(一)目錄書目次

三

- 沿革
- 疆域
- 山川
- 田畝
- 物產
- 星野

中卷之二

建置志上目次

- 城池 堆子房 街市
- 公署 歷代公署 民國公署
- 古蹟 城堡 關門 驛所 鐘應寺 塔衛
- 洞 鼎 石屏 坊 第
- 墓誌 陵 坟墓 府 第

中卷之三

建置志下目次

- 典祀
- 文廟
- 武廟 寺觀 卷廟 宮 殿 司 堂 壇 祠

中卷之四

職官志目次

- 歷代文武官 漢 東漢 三國魏 晉 東晉 北魏 北齊 隋 唐 遼 金 元 明 清
- 民國職官

中卷之五

官績志目次

- 歷代官績 漢 東漢 三國魏 晉 北魏 北齊 隋 唐 遼 金 元 明 清
- 民國官績

中卷之六

戶口志目次

歷代戶口 遠金元 民國戶口 區村制人口數 公安全境戶數 警察普通寺廟戶口數

中卷之七

財賦志目次

歷代 收入支出 國家 歲入歲出 地方 歲入歲出

中卷之八

學制志目次

歷代學制 東晉元魏 金元明清 民國學制

中卷之九

民事志目次

禮俗 附語言文字 實業 農商會長附表

中卷之十

選舉志上目次

詔舉 北朝魏 疏薦 清 文武科第 遠金清 封廕 金元清 孝廉方正 清 議員 清

本州議叅董三會各員 清

義縣志

前卷(一)目錄書目次

中卷之十一

選舉志下目次

仕籍 歷代民國 議員 國民 鄉耆 國民 俊士 國民 各國學校畢業 日法俄美 民國各學校

畢業 自中學以上或與中學同等

中卷之十二

人物志目次

氏族 列傳 賢哲 孝悌 義夫 儒林 書法 畫 慈善 流寓 方伎

隱逸 釋道 耆碩 壽婦 列女 烈婦 貞女 節婦 孝女 賢淑

中卷之十三

藝文志上目次

誥 勅 詔 諭 訓 策令 褒揚 告示 表 諫言 疏 奏 議 檄

序 叙

中卷之十四

藝文志中目次

碑

中卷之十五

藝文志下目次

詩賦銘聯制藝贊行述書簡文引墓誌墓表記
集辭歌傳跋論策說啓著述

中卷之十六

武備志目次

歷代軍制兵事 遼金元 民國軍制 歷代兵事 晉遼金 民國兵事

下卷記次

下卷之一

大事記目次

歷代 秦漢 東漢 蜀漢 唐 三國魏 晉 東晉 北朝魏 北朝東魏 北朝西魏
北朝齊 北朝周 隋 五代唐 五代晉 五代漢 遼 金 元
清 民國

後卷之一

附誌目次

地圖刊誤表

義縣志

前卷(一)目錄書目次

五

義縣創編縣志人員表

義縣志參考引用書籍表

附發出捐募印刷縣志公啓人名冊

附收入捐助印刷縣志款項人名冊

附收入捐助印刷縣志款項村名冊

附發出縣志部數底冊

其二

其三

附遼寧省暫行新建設

附創編縣志簡章

附義縣志書館採訪說明書

附義縣志書館原擬登報底稿

附義縣志書館致諸鄉先生公函

附諸鄉先生覆志書館公函

附義縣志書館印刷志書募捐公啓

其二

附義縣志書館致諸鄉先生謝函

附義縣志書館募捐公啓

附祈方家評語刊弁書首用荷光榮啓

附義縣略歷及編縣志經過概史

附致十區各村長副公啓

附縣長館長來往公函附

附義縣志跋

其一

其三

其四

義縣志總目錄終

義縣志序

自王東陽作方域志方域志宋東陽布衣王希先撰李吉甫撰郡縣志世謂執此可以治天下嗣是各縣幾

莫不有志蓋縣志也者記註詳則防範存指畫明則方略具名實符則法戒昭上之可以補國史下之可以備鄉評遠之可以徵世故近之可以驗時趨所以宰邑者欲言治先言志治者志之用志者治之體視其興革察其可否鏡其利弊有治而後有志實有志而後有治志顧可緩乎哉予丙寅夏攝義篆見公署煥然裴任建築未竟而遷遼齊任踵竣其事予來又稍加修葺添建法庭始竟全功河隄之役裴任經始齊任繼之予成厥終而歲修妥備犯城之水患庶可小弭竊謂修葺所以整公廨而壯觀瞻修隄所以防河溢而衛城垣皆一時一事之繫念求其備參稽資則效上以彰往下以示來俾治法治人一垂千古孰有如縣志者而義獨無查義於古屬顯頊之墟南望海濱北枕沙漠左負閭鎮右引凌川都於此者則慕容氏攻於此者則東丹王駐蹕於此者則金世宗滿太宗清高宗其他生於此者或爲仕或爲隱或爲忠節或爲孝義或爲貞烈官於此者或爲清或爲廉或能興利或能剔弊或提興教育以養才或整頓警甲以衛民以及事事物物國計民生得失變遷政治之因革人文之蔚起非不足以由今溯昔勒爲成書著一方之憲典作百世之儀型然縣志非易言而創始編輯尤非易著也從事

義縣志

前卷(一)目錄書序

六

之人學或未粹才或鮮通識或稍迂則附會穿鑿鄙俚荒蕪之病紛然雜呈將何以徵信而垂久禍棗災梨徒貽非笑亦烏貴有此志乘哉余乃審慎詢謀延聘編輯設館興事期底於成王編輯子笙承其先德允升太史手澤積學藏書居今稽古以著述知名

漢之逸王逸著漢書二十三篇晉之隱王隱著晉書九十餘卷隋之通王通著中說等書宋之沿王沿著唐志二十一卷也秉筆洵有淵源李

編輯兩忱文章精湛書史宏通蓋其生平鑽研典籍多有心得而經世之書彌所酷嗜

方之道傳李道傳著書別戶修四朝帝紀十三朝會要學遜李學遜博學洽聞著易精中星儀象等圖殆無愧色於是僉推薛孝廉芥汀爲之

長遂委張教育所長一忱經理之予於斯道略辨塗徑際茲全志告成披閱一周體例嚴慎採錄詳明上起古下訖今凡所記載純從人民起見爲民即以爲國而爲治之道寓焉輿圖之精繪新政之旁搜博集羅列無遺志地輿人民之所處也志建置人民之所爲也志職官人民之所愛戴也志官績人民之所歌頌也志戶口人民之所生聚也志財賦人民之所輸納也志學制所以教化人民也志民事所以觀察人民也志選舉所以拔乎人民者也志人物所以表乎人民者也志藝文示人民以可經也志武備示人民以可衛也至於記大事有鑒於前有儆於後凡以爲人民也爲治之道盡在志矣後之隸是土宰是邦者觀地輿志則思經劃以盡利觀建置志則思整飭以永休觀職官志則思有以慎職守觀官績志則思有以樹績功觀戶口志則思以安懷爲御衆之

方觀財賦志則思以節制爲裕民之道觀學制志則思何以興養立教造就人才觀民事志則思何以戒惰使勤轉移風化觀選舉志則思有以慎重掄才觀人物志則思有以提倡徵賢觀藝文志則思言以求行觀武備志則思設險以守土觀大事記則思萬端之變動千事之因易今昔同歸或關乎天或關乎地或關乎人前事皆後事之師取法而因應之治道其庶幾乎於以嘆此志一成予之素願畢矣以視修署修隄當爲三不朽而縣志或不翼而飛不脛而走行且傳觀中外修署修隄之事將藉此而馳聞遐邇尤祝我義後來之秀聞風興起就王李兩君已成之書修飾潤色補綴增續發揚而光大之又予之所厚望者是不可以不序中華民國十七年一月義縣知事趙興德述

義縣志

前卷(一) 目錄書序

義縣志序

古者有六史

太史小史內史
外史左史右史

太史掌國之六典小史掌邦國之志志之名所由起然志之名

雖見於周禮而邦國之紀載以志稱者僅有鄭志其書在周秦之際已不傳而列國之

志其名稱不一

如楚書晉乘吳
越春秋之類

自封建夷爲郡縣其紀一郡一縣之事者始多以志名是志

之名自郡縣而始著也

如二十四史內
之志不在此例

義縣建制甚早而縣志久付缺如前任趙君子馨始

援各縣之成例而創爲之推薛君芥汀爲館長王君子笙李君雨忱爲編輯薛君去位

王君代之斯志之成以王李兩君之力爲最多分爲五卷十二綱若干目冠以圖譜終

以大事記採選金元明四史及盛京通志錦州府志爲之主採遜清以前各縣舊志民

國建元以來各縣新志凡有關於義縣之文獻者悉採輯之王李兩君用力之勤搜採

之博如此昔王劭著齊志爲劉知幾所稱美李氏自柱下史卽爲掌邦國之志者王李

二君之於縣志蓋能承其宗風而繼述其盛者也建元十八年十一月余權義篆王君

來謁出縣志全稿兩函凡二十五冊請爲審定並集資印行余受而閱之喜其用力之

勤也搜採之博也一縣之文獻賴以不朽余甫任事樂觀其成得附於監修之列何幸

如之故樂叙其沿起並爲集資印行庶以垂久遠焉中華民國建元十有九年三月知

義縣事溧水濮良至序

義縣志

前卷(一) 目錄書序

義縣志序

周官土訓詔地圖通訓道方志司徒掌土均司險達道路保章辨封域皆摠其成於冢宰所以觀事知俗攷物別慝而明六典之盛漢時計書上於太史郡國地志固亦在焉典午以還史失其守郡邑文獻遂以無徵元和吉甫稱於李唐太平樂史創於天水已爲星風實括瀛寰潘岳關中王範交廣華陽士女荆楚風土偏采雜綜無關宏旨迨夫朱明武功朝邑椎輪乍啓膾炙至今體例簡疏實未足與著述之林也清代則古垂意職方邑乘官書燦焉足述亭林開先靈壽踵武孫洪養一胥爲通儒饒武金壇咸精小學實齋章氏擅三長之才成一家之說發凡起例引古通今縣志之例嚴而體始尊矣顧以幅幘廣莫單壤遐陬輜軒未臨傳載或闕焉義邑於古爲顛頊之虛在漢則參及無慮之縣水環凌河之浸山分巫閭之支慕容氏之故都東丹王之蒐圃翠華所駐史冊猶詳州衛迭更建置最古而志乘不備典型蔑如舉封域沿革建置興廢武備政事之紀忠孝友弟貞節循吏名賢之行版籍毀存選舉齊禮風俗之數祠墓遺跡詩文詠之體關梁山險之所傍川流纏緯之所經久而易湮曠焉莫考其何以揆古觀今達情諭道也哉黑山趙君子馨來宰斯邦乃議創修聘薛君芥汀王君子笙李君兩臣任其事民國十六年四月設館纂集翌年七月告成分爲五卷十二綱若干目冠以圖譜

義縣志

前卷(一) 目錄書序

九

終以大事記皆王君編訂條目始終其事也義故無志歎其搜探之難用力之勤王君序例言之詳矣予維志書之弊厥有數端排比無次則同於胥吏之爲雅贍自矜則悖於方志之義或緣飾以失實不足以勸懲或泥古而昧今不足以通變今此編綱舉而目張因時以制宜章顯闡幽拾遺補藝足以化民成俗茹古涵今而圖表之列師會稽之義大事之紀類洛下之篇盛京通志之後猶有遺珍溫氏鄉土之志匪爲祕笈者已

中華民國十九年十月義縣縣長孫維善序

義縣志叙

郡邑之有志猶國之有史家之有乘也國無史則政治施行異世無從而考之家無乘則世代源流後人莫得而識之若一郡一邑其封域之沿革山川之夷險人民之文野戶口之多寡物產之豐瘡財賦之盈絀胥賴有簡策以載之而後可以垂久遠而昭法戒非然者情遷境過文獻無徵後之人欲考前聞而不得如入暗室罔識晨昏如墮幽谷莫辨西東將何以考古證今藉謀人事之進展乎義邑地屬邊徼而開化較早在三代以前屬顛頊之墟以後或屬冀州或屬幽州或屬營州至漢而始設縣治曰無慮又時而易爲州時而易爲衛變置不一而均無書以誌其梗概致考古者流連慨歎摩挲往蹟而不知何代何年不過憑虛想像一寄弔古之懷耳民國十九年秋予捧檄來攝義篆下車後於山見鑿巫閭之高於水見大凌河之深南望渤海北顧柳邊關河險阻形勝天然因憶及慕容氏之建置東丹王之遊畋霸業雄圖於今銷歇而金世宗清高宗之出狩餘韻流風亦邈焉莫覩使當時書方書策紀載甚詳則披覽遺編如覩陳迹非特六龍巡幸可考其遊蹤即當年之若何殖人民若何固封疆若何勤內政重外交凡圖富圖強之策罔不載之篇章以資借鏡而取法焉夫蕭何入關首取贏秦圖籍吉甫參政特詳郡邑志書古之人無不措意於斯况義屬彈丸荒僻之區禹貢不詳輜軒

義縣志

前卷(一)目錄書序

十一

不採山川風物寂寞無聞使無邑乘以紀其概畧則後之居斯土者引領前朝追懷往事訪父老而傳聞不確考碑碣而紀述失真豈非憾事乎乃當予視事之初縣志館長王君子笙來謁談次出所編縣志稿兩函披閱一再見其採訪之精纂述之詳體例嚴明猶其餘事更悉襄是役者前有薛君芥汀任館長編輯一席子笙與李君兩忱實任其勞芥汀去子笙繼之因恍然於是編之修訂前任趙公子馨菴其始中經濮公青蓀孫公乃剛董其成予後至適值功竣因亟謀付梓以竟斯役望閱是編者油然動其愛鄉土之思而予亦奉爲出治之南鍼焉是爲序

中華民國二十年春三月臨溟宋德謙謹識

義縣志序

俊升行年七十有七得際右文之世而觀縣志於成亦一大快事也而又有吾邑進士

敖蕙軒吉林任用縣知事趙椿葛兩先生前後為輔翼於時編輯兩席若李兆澤甫兩

忱俊升之契晚也清季膺城廂議事會議長選措置咸宜言論悉當其精撰述善詞章

素有聲望為吾邑許趙縣長往聘之歎黼縣志儼李兆洛駢體文抄三十一卷李申著五種鳳臺縣志歷史紀元編三卷清朝與韻編附與

圖一卷皆兆洛著之第二也王子笙名鶴齡世家子系出山左籍隸古宜俊升之世誼也其先祖允

升太史公以詩有元亭詩集二卷受知於清高宗乃祖魁芳先生遺有五代十國五胡十六國紀

年事略二卷子笙則著有鄉土紀聞稿一卷說者謂當與王昌齡唐江寧人開元十五年進士有集五卷王龜齡樂

清人紹興中廷對高宗稱擢為第一有梅溪集朱文公為之序相仲伯也俊升曰非也乃著述世及者今因縣長聘同李君與縣

志之修俊升竊祝編縣志之得人及披閱全志共訂六卷首卷縣志攝影前卷縣志目

錄書上卷縣志繪圖中卷縣志綱目細則下卷縣志大事記後卷縣志刊誤表規定格

式創列目次廣求故實皆出自子笙手所有兩君考據延徵陳述蒐集誠可謂煞費苦

心求其詳且盡矣質諸監修諒亦云然書將付刊子笙又為之跋觀其叙事知前此且

有溫君鄉土志之作然而事未竟稿本散失片紙隻字莫可尋跡殊堪驚惜今日縣志

之成遂為創始特天假之年天造之緣俾俊升得襄此盛舉也夫敢序數言用為吾邑

義縣志

前卷(一)目錄書序

人士告

中華民國十七年一月書於義縣志書館薛俊升

義縣志序

戊辰之春修志時期既已屆滿按全志計綜核所編未及半數鶴雖夜日晷爲書難旦夕告竣愧弗勝任或貽之咎於時同人勸勉監修慰留仍膺編輯之責且晉總纂之席然而撫躬自問忝列青衿信手粗編恐汚素簡此後責無旁貸任有專司慙慙懃懃競業業據事屬辭文莫猶於司馬直書徵信筆且慕乎董孤發幽德而闡潛光不敢厭煩原非圖報秉虛懷而徵實事雖憑博採仍俟刪繁諸同事之薦推常思不負賢有司之屬望尤冀相符信傳信疑傳疑僅克編摩於歲月筆則筆削則削敢言褒貶於春秋俯塵後哲之觀期作古宜之鑑所纂義志目錄書一卷志一卷大事記一卷附誌一卷附撮影一卷通計六卷凡若干言謹繕寫裝潢成若干冊誠惶誠恐念茲釋茲忘貽羞於大雅希指謬於鄉賢

中華民國十七年三月王鶴齡謹識

義縣志

前卷(一) 目錄書序

十二

義縣志凡例弁言

縣志之凡例何為而作也所為記者一序之預定其梗概閱者一覽焉盡窺其底蘊而作也蓋何者貴統括何者宜總計何者沿成規何者造創則無不當臚列於篇而况縣志也者通省志之基礎通國志之胚胎如為山然九仞之高功始一簣若積水然深淵之滙源起點泉所以有明武功康對山著三卷朝邑韓邦靖著二卷兩縣志最著名於世繼美者厥惟清靈壽縣志陸隴其字稼書著十卷至雅瞻有法則涇縣淳化洪亮吉字雅存著二卷三水孫星衍字淵如著朝邑錢坫字獻之著嘉定人經史學家偃師安陽武億字虛谷著富順殷玉裁字懋堂著起永清章學誠字實齋著鳳臺李兆洛字申著著等縣志見光緒元年張之洞記膾炙人口其凡例大都一發一起間標題精當揭示純晰為國志省志所取裁迨注而矜式後之人乃豔稱其縣志而盛傳其縣志也凡例顧不重哉言及此凡例一門不更當注意加詳俾披覽斯志者一目了然易於查察便於擇取或詳或略或合或分或繁或簡或寬而非濫或嚴而非苛須於凡例兆之抱忠厚謹厲之旨掃艱深鄙穢之言黜荒誕奇袤之件文期共喻事必可稽十有二月之功夫集篇成帙四十又三則之凡例逐件分條計立邑之久則已逾二千餘年過時之事端迄今方庶幾具矣按殖地之基則容有七百餘里累朝之勝迹得此或實式憑焉鶴等才謝宏通學慚淹貫識愧灼明幸際右文之世獲尙論於先民敢云稽古之勤遠希風於作者黽勉從事凡例既成爰書於左以貢觀者鶴謹識

義縣志

前卷(一) 目錄書 凡例弁言

義縣志凡例

總例言

(一) 本志各綱題某志第幾如題地輿志第一建置志第二之類各目則冠以弁言如地輿志沿革弁言建置志城池弁言之類取便翻閱先窺其大概非敢襲鋪張頌揚之習在質直以清眉目而已

(二) 本志綱目明無錫縣元由縣升州明由州降縣與吾邑由縣為州之取法孟傳鑄趙州志十綱十三目綱有

網四十二目依類增補各目序言本志仿之改序為弁言免與前序犯複分綱列目仿無錫及趙州兩志之舊例參以近世之

事迹孰應為綱綱則統乎目孰應為目目則系乎綱又增益變通於其間俾前不泥古後不背今為第一要旨

(一) 義自漢初為縣以後越遼金元明為軍為衛迄清雍正十二年始為州軍事區域易為民政範圍歷一百七十九年內計雍正二年乾隆六十年嘉慶二十五年道光三十年咸豐十一年同治十三年光緒三十四年宣統三年民國一年

改州為縣至今民國又十六年矣歷年雖多而記事無書本志搜羅故籍既散

失無存查考遺蹤亦摧殘殆盡事屬乾隆四十八年事附見盛京通志以後民國十五年

以前必無疏漏斯未能信凡以待繼起之有功見憑籍之有自抑亦足矣

(二) 國體既更重在民治本志十二綱九十七目若干細則有因有創有更有正有

他志冠首而本志附屬如聖製天章詔命語勅概收入藝文者有本志特有而他志皆無綱如民事目知大總統大元帥

義縣志

前卷(一) 目錄書 總例言

十四

題者有本志與他志變通科第則文起翰林志及僧生武起進士及武生封贈即封附命婦應附世襲者有本志較他志添益選

如議長議員學校畢業職官如司法區所長戶口如僧道喇嘛尼姑者因時制宜雖間有剽竊他志之處取法也非敢妄為增減也

(一) 民國成立十有六載百度維新大綱小紀亟宜詳記以資遵守惟憲法尙未通行頒布全國無從折衷即新法一切機關均按現在登其名目非掛漏也變遷

莫決於此時補闕即期諸來者不能無厚望也

(二) 志須詳慎清顧炎武在永平或屬為府志炎武謝之曰郭造卿在戚將軍幕府

搜羅天下書志略備蓋十年而成燕史而今無其時故也是編十六閱月因係

草創之初原不敢苟為率陋况財政廳訓令又有詳備不可罅漏等語第文獻

無徵但憑延訪聞知有限闕略殊多或不如亭林所謂取成於數月之內者補

苴遺缺以俟將來續而成之殆易於創焉

分例言

圖例

(一) 輿圖為當世所注重以縣境全圖為主腦其他各圖副之本館繪圖員出稿分

由各區長招集各村長副等按稿填注所屬大小村屯名稱方向距離某屯距某屯若干里

某屯至城 務求無錯誤為要其山脈川流縣鄉各道 縣道三丈六尺 鄉道二丈四尺 以及諸校址警甲

並區長駐所郵政電話常關徵收等局事關興學衛民自治交通國稅填注更求詳明俾無忽漏以重志例而又以測量局繪印義縣全境圖 係借自李俊長科長秘藏 為指南藍本雖不敢謂無疵則亦庶乎近焉

地輿志例

(一)地輿名志援用宋吳淑 吳淑事類賦內注 清李兆洛 李兆洛輿圖附載 蔡壽祺 蔡壽祺策學總纂大成分地輿一卷

張甦卿 張甦卿策學源載地輿一卷 等定名之例他志多沿用地輿 地理係舊稱對於天文今不言天 或與

地輿與 本志取並兼二稱故從地輿 等名本志獨不然非好奇也有所取法識者諒之

(二)地志惟沿革最要也 休寧戴震曰地志沿革不 義縣自唐虞以迄民國為冀界為幽界

為燕為營州界或屬遼西或屬遼東或屬營州或隸中京道或隸大寧路或置

衛或置州或置縣因易之殊糾紛已極本志按盛京通志為標又復考稽書史

博覽羣籍據古證今不厭求詳恐有誤也 遵經學 戴震

(一)疆域之志明清以前無考 明義州廣寧後屯兩衛之疆域為顯祖禹疆域紀要可 本志考察鄰縣

新舊各志藉以證分遼金元三朝吾邑節鎮州牧 遼金設節鎮元改設知州 之守土竝歷述明

義州衛廣 義州衛廣清知州 所設衛州及城守知州各轄境至民國則就縣治區村制所劃

義縣志

前卷(一)目錄書 總例言

十五

各緣邊鄰縣界境為標的復囑由採訪者實地親歷報告而後志也事關守土重要不敢率爾着筆

(一)山川為地志所尤重 鄭樵曰郡縣有時而更山川千古不易故禹貢以山川定疆界 縣境山川盤錯東西多山 分主脈支脈有無林業出產及

礦產 分源流合流溢流為害為利吾邑除清細等河外大凌河實為患前知事裴發起築堤 關係

甚大 如開山十分之四屬義界而大 巨川之來源 如大凌河小凌河之入義界實 探索

求詳旁及鄰境其餘或一山一川則按盛京通志所載參以採訪增益而證實

之

(一)田畝地之麗百穀者 易曰百穀草木麗乎土 義縣田畝名目綦繁考盛京通志乾隆四十五

年以前所有州署民地原額新增實在紀數目極詳至尉署旗地則官莊隨缺

伍田等各項隸屬紛紜其在尉署管界者列入州署所治與尉署所轄廣狹不

一殊有難稽本志就盛京通志暨旗署歸併民署田州之可稽者書其大概而

於民國三年劃一田賦後按其等則分別臚列務求詳悉縣志編於民國十六

年田畝之數自應以十五年為斷

(一)物產出乎地者近今地輿專著有出產圖某地產某物物名地名竝注是物不能離地而言產地亦不能舍產而言物也他志或入食貨或入風土或入田賦